



Broj: 01-7185-02/15

Datum: 07.09.2015. godine

Na osnovu člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 4/00, 18/02, 30/08 i 1/12), člana 69. stav (2) tačka d), 70. stav (1), (4) i (6), Zakona o javnim nabavkama („Službeni glasnik BiH“ broj 39/14) i Zapisnika o pregledu i ocjeni ponuda broj 01-7185-ZO/15 od 23.07.2015. godine, v.d. direktor Zavoda je dana 07.09.2015. godine, donio sljedeću

ODLUKU

*o poništenju postupka javne nabavke
sukcesivna isporuka obrazaca i blokova – LOT 2*

I

Poništava se postupak javne nabavke za sukcesivnu isporuku obrazaca i blokova lot 2-obraci i blokovi sa barkodom iz razloga što nijedna od primljenih ponuda nije prihvatljiva na osnovu člana 69. stav (2) tačka d) Zakona o javnim nabavkama.

II

Ova odluka će se objaviti na web-stranici Ugovornog organa www.kzzosa.ba istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) ZJN.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) ZJN.

OBRAZLOŽENJE

Postupak javne nabavke putem otvorenog postupka za sukcesivnu isporuku obrazaca i blokova sa 2 lota (lot 1 – obrasci i blokovi bez barkoda i lot 2 – obrasci i blokovi sa barkodom) za potrebe Zavoda zdravstvenog osiguranja Kantona Sarajevo za period od 2 godine je pokrenut Odlukom o pokretanju postupka javne nabavke broj 01-7185-OP/15 od 06.05.2015. godine sa procijenjenom vrijednosti nabavke bez PDV-a u iznosu od 210.000,00 KM, od čega 180.000 KM bez PDV-a za drugi lot.

Obavještenje o nabavci broj: 814-1-1-16-3-4/15 objavljeno je na Portalu javnih nabavki dana 18.06.2015. godine, sažetak obavještenja o nabavci objavljen je u „Sl. glasniku BiH“, broj 51/15 od 29.06.2015 godine. Komisija za javnu nabavku je imenovana Rješenjem broj 01-7185-K/15 od 06.05.2015. godine.

Komisija za javnu nabavku je dana 27.07.2015. godine dostavila izvještaj o radu tj. Zapisnik o pregledu i ocjeni ponuda broj 01-7185-ZO/15 sa preporukom za poništenje postupka za sukcesivnu isporuku obrazaca i blokova – lot 2 obrasci i blokovi sa barkodom.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da sve četiri ponude pristigle za LOT 2 ne ispunjavaju formalno pravne uslove odnosno ne zadovoljavaju zahtjeve Ugovornog organa za LOT 2.

Ponude kvalificiranih ponuđača:

- Nema

Ponude ponuđača koji nisu kvalificirani:

- Primaprom d.o.o. Banja Luka
- Grafika Šaran d.o.o. Sarajevo
- Blicdruk d.o.o. Sarajevo
- A Dizajn d.o.o. Sarajevo

Ponudač Primaprom d.o.o. Banja Luka se sa svojom ponudom odbija kao nekvalificiran jer dokumenti koje je ovaj ponuđač priložio kako bi ispunio zahtjev iz tačke 11. pod l) tenderske dokumentacije (obavezno dostavljanje uzoraka), ne odgovaraju onome što je tačkom 8. tenderske dokumentacije (tehničke specifikacije) nedvojbeno zahtijevano. Naime, uzorci za sve blok recepte (žuti, zeleni, crveni) koje je ponuđač dostavio ne odgovaraju uzorcima Ugovornog organa sa stanovišta koraka (uzorci imaju korak 3 umjesto traženog koraka 1).

Ponuđač Grafika Šaran d.o.o. Sarajevo se sa svojom ponudom odbija kao nekvalificiran jer dokumenti koje je ovaj ponuđač priložio kako bi ispunio zahtjev iz tačke 11. pod l) tenderske dokumentacije (obavezno dostavljanje uzoraka), ne odgovaraju onome što je tačkom 8. tenderske dokumentacije (tehničke specifikacije) nedvojbeno zahtijevano. Naime, uzorci za sve blok recepte (žuti, zeleni, crveni) koje je ponuđač dostavio ne odgovaraju uzorcima Ugovornog organa sa stanovišta koraka (uzorci imaju korak 4 umjesto traženog koraka 1).

Ponuđač Blicdruk d.o.o. Sarajevo se sa svojom ponudom odbija kao nekvalificiran jer je propustio da dostavi jedan uzorak (Uputnica za specijalističko dijagnostičke preglede) a umjesto njega dostavio pogrešan obrazac koji nije tražen u tenderskoj dokumentaciji.

Ponuđač A Dizajn d.o.o. Sarajevo se sa svojom ponudom odbija kao nekvalificiran jer dokumenti koje je ovaj ponuđač priložio u okviru svoje ponude kako bi ispunio zahtjev iz tačke 11. pod l) tenderske dokumentacije (obavezno dostavljanje uzoraka), ne odgovaraju onome što je tačkom 8. tenderske dokumentacije (tehničke specifikacije koje uzorci moraju ispunjavati) nedvojbeno zahtijevano. Naime, uzorci za sve blok recepte (žuti, zeleni, crveni) koje je ponuđač dostavio ne odgovaraju uzorcima Ugovornog organa sa stanovišta koraka (uzorci imaju korak 3 umjesto traženog koraka 1) i sa stanovišta ukupnog izgleda. Također uzorci koje je ponuđač dostavio za obrasce ZP-6 – 6.1, ZP-6 – 6.2, ZP-6 – 6.3 i RVIO-04 ne odgovaraju uzorcima Ugovornog organa sa stanovišta ukupnog izgleda.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponude ponuđača Primaprom d.o.o. Banja Luka, Grafika Šaran d.o.o. Sarajevo, Blicdruk d.o.o. Sarajevo i A Dizajn d.o.o. Sarajevo ne ispunjavaju tehničke uslove odnosno zahtjeve Ugovornog organa za predmetni lot. Shodno tome, Komisija za javnu nabavku je nakon ocjene ponuda za LOT 2 konstatovala da nijedna od primljenih ponuda nije prihvatljiva za predmetni lot te predložila da se predmetni lot poništi na osnovu člana 69. stav (2) tačka d) ZJN.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Pripremila:

Džemila Helać Nasrallah

Džemila Helać Nasrallah, dipl.oec.

Stručni saradnik za javne nabavke



Safeta Borovac, dipl.oec.

Dostaviti:

-Ponuđačima

-a/a

Objaviti na:

-www.kzzosa.ba

-portal javnih nabavki

-Službeni glasnik BiH